

BULETIN KOMODITI MEI

**MRC sumbang RM20
Juta kepada Nadma**

Harga Minyak Sawit
Mentah Cecah
RM4,652
Satu Tan

MSPO Lakar Sejarah
Eksport Produk sawit
ke Jepun



ISkandungan



01



04



03



- | | | | |
|-----------|---|-----------|--|
| 01 | Dana RM28.3 juta bangunkan industri kayu-kayan | 07 | Projek Transformasi Perusahaan Industri Getah beri tumpuan hasilkan getah krip |
| 02 | KPPK runding pengecualian dapatkan 20,000 pekerja asing: Khairuddin | 08 | MSPO lakukan sejarah eksport produk sawit ke Jepun |
| 03 | Harga Minyak Sawit Mentah Cecah RM4,652 Satu Tan | 09 | Eksport minyak sawit negara meningkat |
| 04 | Keuntungan luar biasa cukai sawit cecah RM298j | 10 | LGM: Tiada perjanjian pajakan, transaksi jual beli harta tanah |
| 05 | New tyre plant will help rubber industry bounce back: Khairuddin | 11 | MPOB cipta mesin pungut buah sawit relai |
| 06 | MRC sumbang RM20 juta kepada Nadma | 12 | WTO setuju Malaysia tubuh panel undang-undang |



Dana RM28.3 Juta Bangunkan Industri Kayu-Kayan

KUALA LUMPUR
4 MEI 2021

Majlis Kayu-kayan Malaysia (MTC) memperuntukkan RM28.3 juta bagi dana pembangunan agar industri kayu-kayan lebih berdaya saing, menurut Kementerian Perusahaan Perladangan dan Komoditi (KPPK).

KPPK menjelaskan, sebagai subsektor ketiga terbesar selepas sawit dan getah, prestasi eksport kayu-kayan negara tahun ini sehingga Februari 2021 mencatatkan nilai berjumlah RM3.78 bilion, susut 3.3 peratus daripada angka pada tempoh yang sama 2020 berikutan kesan pandemik COVID-19.

"Justeru, MTC mengambil beberapa inisiatif baharu bagi membantu peserta industri.

"Ia termasuk program 'Young Entrepreneur Society', sebuah program yang direka untuk membantu peralihan kepimpinan pengasas kepada pengganti dalam industri perkayuan," menurutnya dalam kenyataan pada Selasa.

Program lain yang dirancang termasuk penempatan jurutera dan latihan prasiswazah dalam industri kayu-kayan 2021 serta 'TimbeReality' iaitu program khusus untuk mempromosikan produk kayu Malaysia di platform maya. -BH



KPPK Runding Pengecualian Dapatkan 20,000 Pekerja Asing: Khairuddin

MELAKA
6 MEI 2021

Kementerian Perusahaan, Perladangan dan Komoditi (KPPK) kini sedang berusaha untuk mendapatkan pengecualian daripada kerajaan bagi membawa masuk 20,000 pekerja asing.

Menterinya, Datuk Dr Mohd Khairuddin Aman Razali berkata, ini penting berdasarkan sektor perladangan dan komoditi adalah kelompok terbesar yang bergantung kepada pekerja asing.

“Kita baru mendapat kelulusan dasar untuk mendapatkan pekerja warga asing bagi sektor kelapa sawit dan akan berunding untuk mendapatkan (pekerja asing) bagi sektor perkayuan pula,” katanya kepada pemberita selepas menghadiri Sesi Dialog Siri Jerayawara Majlis Kayu Kayan Malaysia (MTC) 2021 di sini pada Khamis.

Hadir sama, Pengerusi MTC Mazli Zakuan Mohd Noor dan Exco Pertanian, Penternakan, Pembangunan Usahawan dan Koperasi Melaka, Datuk Nohizam Hassan Baktee. - SINAR HARIAN



Harga Minyak Sawit Mentah Cecah RM4,652 Satu Tan

PUTRAJAYA
8 MEI 2021

Harga minyak sawit mentah (MSM) buat kali pertamanya melonjak ke paras sehingga RM4,652 satu tan semalam, yang merupakan harga tertinggi dalam sejarah industri sawit Malaysia.

Menteri Perusahaan, Perladangan dan Komoditi, Datuk Dr Mohd Khairuddin Aman Razali berkata, prestasi itu merupakan kali kesembilan kenaikan harga tertinggi direkodkan dalam tahun 2021.

Menurutnya, harga tertinggi sebelum ini ialah RM4,548.50 setan yang direkodkan pada 5 Mei lalu manakala harga awalan MSM pada Jumaat pula adalah RM4,753 bagi satu tan.

Dalam pada itu, Mohd Khairuddin yang juga Ahli Parlimen Kuala Nerus berkata, buat pertama kali dalam sejarah juga harga buah tandan segar sawit di ladang melebihi RM1,000 pertan metrik.

“Moga tersenyumlah para peneroka dan pekebun kecil di kampung,” katanya menerusi hantaran kenyataan di Facebook miliknya, malam tadi. -PN BBC





Keuntungan Luar Biasa Cukai Sawit Cecah RM298j

KUALA NERUS
8 MEI 2021

Kerajaan dijangka berpotensi meraih kutipan levi keuntungan luar biasa sebanyak RM298 juta bagi suku pertama tahun ini berdasarkan lonjakan harga minyak sawit mentah (MSM) kesan peningkatan permintaan terhadap komoditi itu.

Menteri Perusahaan, Perladangan dan Komoditi, Datuk Dr Mohd Khairuddin Aman Razali berkata, jumlah itu mampu dicapai hasil levi dikenakan bagi Harga Minyak Sawit Mentah (CPO) melebihi RM2,500 satu tan.

"Kita jangka kerajaan mampu meraih cukai keuntungan luar biasa RM298 juta bagi tempoh tiga bulan pertama 2021 disebabkan peningkatan harga sawit bagi tempoh tiga bulan pertama 2021 dan cukai keuntungan luar biasa dikutip apabila harga sawit melebihi RM2,500 untuk satu tan."

"Sekiranya momentum ini dapat dikekalkan, kita berpotensi meraih keuntungan lebih besar yang akan diterima dalam tempoh negara kekurangan hasil akibat dilanda Covid-19. Hasil cukai ini juga akan dipulangkan kepada rakyat," katanya.
-SINAR HARIAN

New Tyre Plant Will Help Rubber Industry Bounce Back: Khairuddin

PADANG BESAR
9 MEI 2021

Malaysia's rubber industry is set to be rejuvenated with the setting up of a tyre factory, said Plantation Industries and Commodities Minister Datuk Mohd Khairuddin Aman Razali.

He expressed confidence that the industry will recover, and the commodity's price will rebound.

"The Malaysian Rubber Board and Malaysian Rubber Council are mobilising efforts to revive and expand the tyre sector, as it has a large market value and can make a positive impact on the country's rubber industry," he told reporters after presenting donations to 100 rubber smallholders affected by the Covid-19 pandemic in Bukit Kerang near here today.

"We have exported our rubber for the production of tyres, but it is better to have our own downstream industry that produces such goods."

He said the ministry has identified local investors keen on the project, and that details will be announced later. -THE VIBES.COM



MRC Sumbang RM20 Juta kepada Nadma



PUTRAJAYA
10 MEI 2021

Majlis Getah Malaysia (MRC) buat julung kali menyumbang RM20 juta kepada Tabung Covid-19 yang dikendalikan oleh Agensi Pengurusan Bencana Negara (Nadma).

Ketua Pegawai Eksekutif MRC, Nurul Islam Mohamed Yusoff berkata, pihaknya komited untuk bersama dalam usaha kerajaan memulihkan ekonomi dan rakyat terjejas ekoran pandemik itu.

“Susulan prestasi cemerlang ditunjukkan industri getah tempatan tahun lalu, terutama sektor sarung tangan getah, MRC tampil membantu kerajaan,” katanya melalui kenyataan hari ini.

MRC ujarnya merupakan agensi bertanggungjawab di bawah Kementerian Perusahaan Perlادangan dan Komoditi yang sebelum ini dikenali Majlis Promosi Eksport Getah Malaysia.

Ia diperbadankan pada 14 April 2000 sebagai syarikat bhd. kementerian berkenaan di bawah Akta Syarikat 1965 dengan turut mempunyai pejabat cawangan di pelbagai negara. -UTUSAN




Projek Transformasi Perusahaan Industri Getah Beri Tumpuan Hasilkan Getah Krip

PADANG BESAR
10 MEI 2021

Di sebalik harga getah seluruh dunia yang tidak menentu, Lembaga Getah Malaysia (LGM) melalui Projek Transformasi Perusahaan Industri Getah akan memberi tumpuan kepada penghasilan getah krip.

Kementerian Perusahaan Perladangan dan Komoditi bersedia menyalurkan geran sebanyak RM6 juta menerusi 20 koperasi pekebun getah seluruh negara bagi menyediakan mesin getah krip.

Menterinya, Datuk Dr. Mohd Khairuddin Aman Razali, yakin dengan penglibatan menyeluruh pekebun getah dalam projek yang mampu meningkatkan pendapatan pekebun atau penoreh getah.



Harga getah krip jauh lebih tinggi berbanding getah skrap ketika ini dengan pihak Perbadanan Lembaga Getah Malaysia bertanggungjawab memasarkan di peringkat antarabangsa dengan perolehan pendapatan lebih tinggi.

Beliau menyatakan demikian pada Program Penyampaian Sumbangan Bantuan kepada Pekebun Kecil Getah di Parlimen Padang Besar.

Di Perlis sahaja terdapat 3,800 pekebun atau penoreh getah dan pelaksanaan Projek Transformasi Perusahaan Industri Getah mampu melonjakkan pendapatan kumpulan sasar. -UTUSAN

MSPO Lakar Sejarah Eksport Produk Sawit ke Jepun



KUALA LUMPUR
15 MEI 2021

Produk pensijilan Minyak Sawit Mampan Malaysia (MSPO) melakar sejarah tersendiri apabila buat kali pertama menembusi eksport ke Jepun dengan kapasiti 100 tan minyak sawit ke negara itu.

Ketua Pegawai Eksekutif Majlis Pensijilan Minyak Sawit Malaysia (MPOCC), Mohammad Hafezh Abdul Rahman, berkata eksport sulung minyak sawit MSPO ke Jepun ini adalah tonggak sejarah bagi industri minyak sawit negara dalam mempromosikan produknya ke pasaran dunia.

Pensijilan MSPO adalah pengiktirafan terhadap kebun dan kilang sawit yang diurus menggunakan amalan pertanian baik yang mematuhi usaha menjaga alam sekitar.

"Industri sawit negara sentiasa berusaha mengamalkan kerja pengurusan ladang sawit dengan penuh kelestarian dan MSPO adalah komitmen kerajaan dalam usaha itu.

"Tahap pensijilan MSPO kini sudah berada pada 88 peratus di seluruh negara, selain sentiasa komited bagi penerimaan pasaran global.

"Temasya Sukan Tokyo dan Sukan Paralimpik Tokyo adalah dua acara berprestij yang akan dikenali dengan polisi penyumberan lestari menjadi satu daripada banyak lagi penghargaan diharapkan untuk MSPO," katanya dalam kenyataan, hari ini.
-BH

Eksport Minyak Sawit Negara Meningkat

KUALA LUMPUR
23 MEI 2021

Nilai eksport minyak sawit negara meningkat sebanyak 26.9 peratus iaitu RM17.12 bilion untuk tempoh Januari hingga April 2021 berbanding RM13.49 bilion dalam tempoh yang sama pada 2020.

Menteri Perusahaan Perladangan dan Komoditi, Datuk Dr Mohd Khairuddin Aman Razali, berkata faktor yang menyumbang kepada peningkatan itu adalah kenaikan harganya dan lelemak saingen yang lain di pasaran dunia.

Beliau berkata, dengan prestasi itu, Kementerian Perusahaan Perladangan dan Komoditi (KPPK) yakin sasaran eksport sawit sebanyak RM75 bilion tahun ini mampu dicapai dengan sokongan program baharu kementerian.

Program terbabit ialah inisiatif tambahan dalam bentuk geran padanan sebanyak RM20 juta melalui Program Strategik Memperkasa Rakyat dan Ekonomi (PEMERKASA) yang memanfaatkan 65 Koperasi Penanaman Sawit Mampan (KPSM) dan geran padanan RM30 juta untuk menggalakkan pelaburan dalam mekanisasi serta automasi. -BH



LGM: Tiada perjanjian pajakan, transaksi jual beli harta tanah



KUALA LUMPUR
28 MEI 2021

Lembaga Getah Malaysia (LGM) memandang berat kenyataan tidak benar dan kesalahan fakta yang tular di media sosial berkaitan isu penjualan serta pajakan harta tanah miliknya.

LGM dalam satu kenyataan hari ini memaklumkan, pihaknya mengesahkan bahawa belum ada sebarang urusan penjualan, pajakan atau urus niaga berkaitan dua lot tanah milik LGM iaitu Lot 20012 dan Lot 20013 (masing-masing nombor lama dikenali sebagai Lot 75 dan Lot 76) di Jalan Ampang, Kuala Lumpur.

Katanya, semua penjualan atau pajakan tanah milik LGM perlu mendapat perakuan lembaga ini terlebih dahulu sebelum dimajukan kepada Menteri Perusahaan Perladangan dan Komoditi, Dato' Dr Mohd Khairuddin Aman Razali untuk kelulusan.

Menurutnya, LGM telah menerima permohonan daripada beberapa syarikat bagi membeli Lot 20012.

Tambahnya, pertimbangan akan dibuat selaras dengan penilaian oleh Jabatan Penilaian dan Perkhidmatan Harta (JPPH), Kementerian Kewangan serta pandangan Jabatan Warisan Negara. -HARAKAH DAILY

MPOB Cipta Mesin Pungut Buah Sawit Relai

BANGI
28 MEI 2021

Sekumpulan penyelidik di Lembaga Minyak Sawit Malaysia (MPOB) mencipta jentera pemungut buah sawit relai yang cekap dan menjimatkan kos.

Ketua Pengarah MPOB, Dr Ahmad Parvez Ghulam Kadir, berkata jentera itu adalah hasil daripada penyelidikan MPOB yang diketuai oleh Mohd Ramdhan Mohd Khalid.



Beliau berkata, produk inovasi MPOB itu menawarkan penyelesaian kepada industri sawit yang bergantung kepada kaedah manual dalam mengutip buah sawit relai di ladang.

Katanya, sektor perladangan sawit ketika ini memerlukan sistem pemungutan buah sawit relai yang praktikal serta mampu menjimatkan kos.

"Teknologi MPOB ini akan mengubah operasi pungutan buah sawit relai secara konvensional, di mana buah relai yang dikumpulkan secara manual akan dimasukkan ke dalam bekas atau beg," katanya dalam satu kenyataan. -BH

WTO Setuju Malaysia Tubuh Panel Undang-Undang



PUTRAJAYA
31 MEI 2021

Pertubuhan Perdagangan Dunia (WTO) bersetuju dengan permohonan kali kedua Malaysia untuk menubuhkan panel tindakan undang-undang bagi meneliti langkah diambil Kesatuan Eropah (EU) berikutan kempen anti minyak sawit.

Menteri Perusahaan Perlادangan dan Komoditi, Datuk Dr. Mohd. Khairuddin Aman Razali berkata, persetujuan WTO itu dibuat dalam Mesyuarat Badan Penyelesaian Pertikaian (DSB) yang bersidang pada 28 Mei lalu.

Menurut beliau, permohonan pertama Malaysia bagi penubuhan panel itu dibincangkan dalam mesyuarat tersebut, namun tidak dipersetujui EU.

Katanya, badan Eropah itu tetap dengan pendirian bahawa tindakan mereka dalam pelaksanaan Delegated Regulation di bawah European Union Renewable Energy Directive 2018/2001 (EU RED II), adalah berasas dan selaras dengan perundangan WTO.

“Permohonan penubuhan panel Malaysia adalah selaras dengan peraturan dan prosedur yang digariskan WTO. Permohonan ini diambil berikutan tiadanya penyelesaian dicapai dalam konsultasi yang diadakan bersama EU pada 17 Mac lalu,” katanya dalam kenyataan di sini semalam. -UTUSAN

Terbitan Unit Komunikasi Korporat MPIC / Mei2021



KEMENTERIAN PERUSAHAAN
PERLADANGAN DAN KOMODITI



Bersama
Hentikan
Wabak
COVID-19



www.mpic.gov.my

